

四庫全書

史部

欽定四庫全書

欽定八旗通志卷九十

典禮志十三

滿洲祭神祭天典禮二

坤寧宮月祭儀注 坤寧宮月祭祝辭 祭神翌日

祭天儀注 祭神翌日祭天贊辭

坤寧宮月祭儀注

正月初三日每月初一日

坤寧宮祭朝祭

神預將鑲紅片金黃緞神幔用黃棉線繩穿繫其上懸掛
西山墻所釘之雕龍頭髮金紅漆三角架以淨紙
二張各四折鏤錢四掛於神幔兩端昇供

佛之髮金小亭連座奉安于南首啟亭門次于神幔上懸
菩薩像又次懸

關帝神像均于大炕上東向供奉炕上設紅漆大低桌二
桌上供香碟三醴酒三棧時果九碟方切灑糕分
為十盤以九盤供于桌上一供桌下北首七月供

淋漿糕亦如之炕沿下供醴酒一罇罇前鋪黃花
紅檀設獻酒長低桌桌上列黃磁大碗二一盛醴
酒一空設司俎太監等預于中間屋內鍋前地上
設油厚高麗紙二張進色錫紅漆大桌二西向分
為二行各置于油高麗紙上屆時司香點香司俎
太監司俎等進猪二於

坤寧宮門外之右首皆奏三絃琵琶之司俎等太監二
司俎官司俎八首領太監二以次進三絃琵琶在

前次十人分二層排列均向上盤膝坐奏三絃琵琶鳴拍板其後司俎滿洲等屈一膝跪拊掌司祝進于獻酒桌前跪司香舉臺琖授司祝司祝接受獻酒六次每一獻將所獻之酒注于空碗內復自盛醴酒碗內挹新酒注于二琖中以獻每一獻司俎等歌鄂囉羅六次獻畢司祝以臺琖授於司香一叩頭興合掌致敬三絃琵琶拍板暫止司香及司香婦人撤盛酒之二碗並獻酒之桌設司祝叩

頭小低桌司香舉神刀授司祝司祝執神刀進司
俎等復奏三絃琵琶鳴拍板拊掌司祝一叩頭興
司俎等歌鄂囉羅司祝擎神刀禱祝三次誦神歌
一次擎神刀禱祝時司俎等復歌鄂囉羅誦神歌
三次如前儀如是九次畢司祝跪一叩頭興又禱
祝三次以神刀授于司香奏三絃琵琶鳴拍板人
等起立避于旁

皇帝親詣行禮司香移司祝叩頭小低桌于北首

皇帝進于朝祭

神位前正中向上立司祝先跪

皇帝跪司祝祝畢

皇帝行禮興退司祝叩頭興合掌致敬如同

皇后行禮

皇帝在南

皇后在北行禮司俎官司俎等俱出外惟留司俎婦人

太監等在內如遇

皇帝

皇后不行禮之日司祝叩頭畢司香撤

佛

菩薩前供酒二盞闔供

佛小亭門撤

菩薩像恭貯于黃漆木筒司俎太監等恭昇供

佛小亭並所供二香磬移奉于

坤寧宮西楹大亭香磬供于前小亭座移置於後復

移神幔稍南位

闕帝神像于正中所供之酒並香碟皆移正中酒罇用淨
袱幕之奏三絃琵琶鳴拍板人等進坐於原處司
香婦人歛壇三折之鋪于近炕沿處司香舉臺琰
授於司祝司俎太監等舁一猪入門置炕沿下首
西向司俎滿洲一人屈一膝跪按其猪司俎官及
司俎首領太監內監等奏三絃琵琶鳴拍板拊掌
司祝跪于炕沿下三折紅氊上斜向西南舉臺琰

獻酒一次司俎等照前歌鄂囉羅獻畢司祝致禱
以二琖酒合注一琖中司俎滿洲執猪耳司祝灌
酒於猪耳內以臺琖授司香一叩頭三絃琵琶拍
板暫止司俎滿洲執猪尾移轉猪首向東司俎太
監等進前鼻猪暫順放於包錫大桌上司香舉臺
琖授司祝司祝接授臺琖俎第二猪入門獻酒灌
酒如前儀以包錫大桌上猪二俱令首西向橫放
省之每桌前令司俎婦人二舉銀裏木槽盆接血

司香婦人撤去羶進紅漆長高桌設於西炕前以接血木槽盆列高桌上撤去所供糕酒與果猪氣息後司俎等轉猪首順桌向南直放去其皮按節解開煮於大鍋內其頭蹄及尾俱不去皮惟燎毛燂淨亦煮於大鍋內以臟腑置於錫裹木槽盆昇出另室內整理潔淨昇進以盛血木槽盆就地安置司俎滿洲一人進於高桌前屈一膝跪灌血於腸亦煮鍋內司俎太監等置皮於盛皮木槽盆內

撤去色錫大桌二及油厚高麗紙仍以膽與蹄甲
貯紅漆小木碟內置於炕上所設之大低桌北首
邊上候肉熟時細切肥肉一碗設筋一隻供于大
低桌正中以二猪之肉分置二銀裏木槽盆內前
後腿分設四角胸膛向前尾樁向後肋列兩旁合
湊畢置猪首于上復以臙脂連油整置於鼻柱上
供於

神位前長高桌司香點香司香婦人鋪黃花紅氈一司香

舉醴酒碗一司香舉空碗齊進拱立又一司香舉
盞授司祝司祝進跪獻酒三次是獻也凡獻酒
換盞注酒及司俎太監等奏三絃琵琶司俎等鳴
拍板司俎滿洲拊掌歌鄂囉羅三次俱如前儀三
獻畢以盞授于司香叩頭興合掌致敬

皇帝

皇后親詣行禮如前儀神肉前叩頭畢撤下祭肉不令
出戶盛于盤內于長桌前按次陳列或

皇帝率

皇后受胙或率王大臣等食肉之處請

旨遵行如遇

皇帝不受胙之日令值班大臣侍衛等進內食之食畢

司俎太監等撤去皮骨皮油送交膳房其骨膽蹄

甲司俎官送潔淨處化而投之于河隨將神幔收

捲其所掛紙錢存貯月終貯高麗紙囊內除夕送

赴

堂子與

堂子內所掛淨紙及神杆同化之所有

闕帝神像恭貯于紅漆木筒其供

佛小亭恭貯

菩薩像木筒及二香碟仍移奉西楹以小亭安奉於亭座之

上

菩薩像

闕帝神像二筒安奉於西山牆繪花紅漆抽屜桌上供香

磔三于桌之東邊其夕祭

神儀預將鑲紅片金青緞神幔繫于黑漆架上用黃色皮
條穿大小鈴七枚繫樺木桿梢懸于架梁之西恭
請

穆哩罕神自西按序安奉架上

畫像神安奉于神幔正中設

蒙古神座於左皆于北炕南向炕上設紅漆大低桌二香
磔五醴酒五錢時果九磔以灑糕如前分為十盤

其九盤供于桌上一供桌下西邊炕沿下供醴酒
一罇未進猪之前恭請

佛

菩薩像並二香碟供于西楹大亭預令司俎太監等鋪油
紙設桌俱如朝祭儀屆時進猪置於常放之處司
香點香司香婦人以司祝祝禱時所坐黑漆杌置
神位前司俎太監以鼓連架近杌安置司祝繫閃緞裙束
腰鈴執手鼓進于

神位前司俎太監二進西向立一太監擊鼓一太監鳴拍

板司祝先向

神位坐于杌上擊手鼓誦請神歌祈請擊鼓太監一手擊鼓一點以和手鼓司祝拱立初次向後盤旋跼步祝禱擊鼓太監雙手擊鼓三點以和手鼓司祝復盤旋跼步前進祝禱擊鼓太監雙手擊鼓五點以和手鼓司祝拱立初次誦請神歌擊鼓五點拍板三鳴以和之二次向後向前盤旋跼步祝禱惟擊

鼓七點司祝拱立誦神歌以禱仍擊鼓五點拍板
三鳴三次禱祝亦惟擊鼓十一點司祝拱立三次
誦神歌以禱擊鼓四點末以雙槌交擊一次拍板
仍三鳴以和之三次誦神歌禱畢司祝祝禱時惟
擊鼓四點三鼓而止退司祝以手鼓授司香婦人
釋閃緞裙腰鈴司香婦人鋪黃花紅氈

皇帝親詣行禮司香婦人移置司祝叩頭小低桌于西
首

皇帝進于夕祭

神位前正中向上立司祝先跪祝畢

皇帝行禮如朝祭儀如同

皇后行禮

皇帝在東

皇后在西行禮如遇

皇帝

皇后不行禮之日司祝叩頭畢酒樽以淨袂褻之司香

婦人歛壇三折之鋪于近炕沿處置醴酒一碗空
殘一于炕沿上司俎太監等舁猪入門置炕沿下
首北向司俎滿洲一人屈一膝跪按其猪司祝跪
于炕沿下三折紅壇上斜向東北從盛酒碗內挹
酒注于殘中舉捧禱祝司俎滿洲執猪耳司祝灌
酒于猪耳內以殘置炕沿一叩頭司俎滿洲執猪
尾移轉猪首向南司俎太監等進前舁猪暫順放
于色錫大桌上司祝跪從酒碗內挹酒注于殘中

升第二猪入門仍如前儀獻酒禱祝灌酒畢一叩
頭興退置猪于色錫大桌上二猪俱令首西向省
之每桌前令司俎婦人二舉銀裹木槽盆接血司
香婦人撤去檀進紅漆長高桌設于北炕前以接
血木槽盆列長高桌上撤去大低桌上所供之糕
留一盤其餘餠酒與果亦俱撤去猪氣息後司俎
等轉猪首順桌向南直放其去皮節解灌血腸煮
肉以及撤出色錫大桌汕紙等件俱如朝祭儀惟

膽與蹄甲於竈內化之俟肉熟時細切胙肉五碗
每碗設筯一雙供于炕上二大低桌之上以二豬
之肉分置于二銀裹木槽盆如朝祭儀供于

神位前長高桌司香點香司香婦人鋪黃花紅氊司祝進
跪祝叩頭合掌致敬司香婦人收氊以司祝所坐
之杌置夕祭常放處又設小桌小腰鈴列于桌上
神鈴置于桌之東撤去香碟內火並燈掩竈內火
展背燈青綢幕蔽之衆俱退出闔戶擊鼓太監以

鼓移幕前近處司祝坐于机上次誦神歌向神
鈴祈請時擊鼓四點又雙槌交擊一次拍板三鳴
以和之次司祝執鈴桿振鈴誦神歌以禱鼓擊五
點拍板三鳴以和之司祝置神鈴初次誦神歌向
腰鈴祈請鼓擊四點又雙槌交擊一次拍板三鳴
以和之司祝搖腰鈴誦神歌以禱鼓擊五點拍板
三鳴以和腰鈴之聲禱畢擊鼓三點拍板一鳴而
止捲起背燈神幕開戶移入燈火撤祭肉送交膳

房恭請

佛

菩薩像並二香碟仍安奉西楹原位二香碟亦供于原處

收捲神幔撤夕祭

神畫像並

蒙古神

穆哩罕神俱恭貯于紅漆匣內安奉于北牆花黑漆抽屜

桌上供香碟五于桌之南邊如為

皇子祭祀

皇子叩頭則司祝禱祝

皇子叩頭如

皇子不叩頭則司祝禱祝叩頭

皇子未分府前居住別室即于所住之正室內恭

請

神位朝祭則懸幔供奉

佛亭夕祭則繫幔於架供奉神座以祭之朝祭未進猪之

前請出二香碟供于祭室外之西山牆廊下亭內
撤出皮骨後仍請入供于安奉朝祭

神位之紅漆抽屜桌上夕祭除不請出香碟外俱如

坤寧宮祭儀凡諸王貝勒貝子公等以及宗室覺羅
並伊爾根覺羅錫林覺羅姓之滿洲等俱如此儀
祭之

正月初三日每月初一日

坤寧宮朝祭誦神歌禱祝辭

上天之子佛及菩薩大君先師三軍之帥關聖帝

君某年生小子某年生小子

為某人祭則呼
某人本生年

今敬

祝者豐于首而付于肩衛于後而護于前畀以嘉
祥兮齒其兒而髮其黃兮年其增而歲其長兮根
其固而身其康兮神兮貺我神兮佑我永我年而
壽我兮

朝祭灌酒于猪耳禱辭

上天之子三軍之帥關聖帝君某年生小子某年

生小子

為某人祭則呼
某人本生年

敬獻粢盛嘉悅以享兮

朝祭供肉祝辭

上天之子三軍之帥闕聖帝君某年生小子某年

生小子

為某人祭則呼
某人本生年

今敬祝者豐于首而仔于

肩衛于後而護于前畀以嘉祥兮齒其兕而髮其

黃兮年其增而歲其長兮根其固而身其康兮神

兮貺我神兮佑我永我年而壽我兮

夕祭坐于机上誦神歌祈請辭

自天而降阿琿年錫之神與日分精年錫之神年
錫惟靈安春阿雅喇穆哩穆哩哈納丹岱琿納爾
琿軒初恩都哩僧固拜滿章京納丹威瑚哩恩都
蒙鄂樂喀屯諾延某年生小子某年生小子

為某人祭

則呼某人
本生年

今敬祝者豐于首而付于肩衛于後而

護于前畀以嘉祥兮齒其兕而髮其黃兮年其增
而歲其長兮根其固而身其康兮神兮貺我神兮
佑我永我年而壽我兮

初次誦神歌禱辭

納丹岱琿納爾琿軒初某年生小子某年生小子

為某人祭則呼
某人本生年

今敬祝者豐于首而付于肩衛于

後而護于前畀以嘉祥兮齒其兒而髮其黃兮年
其增而歲其長兮根其固而身其康兮神兮貺我
神兮佑我永我年而壽我兮

二次誦神歌禱辭

恩都哩僧固僧固恩都哩某年生小子某年生小

子

為某人祭則呼
某人本生年

今敬祝者豐于首而仔于肩衛

於後而護于前界以嘉祥兮齒其兒而髮其黃兮
年其增而歲其長兮根其固而身其康兮神兮貺
我神兮佑我永我年而壽我兮

末次誦神歌禱辭

拜滿章京納丹威瑚哩恩都蒙鄂樂喀屯諾延某

年生小子某年生小子

為某人祭則呼
某人本生年

今敬祝者

豐于首而仔于肩衛于後而護于前界以嘉祥兮

齒其兒而髮其黃兮年其增而歲其長兮根其固而身其康兮神兮貺我神兮佑我永我年而壽我兮

誦神歌禱祝後跪祝辭

上天之子年錫之神安春阿雅喇穆哩穆哩哈納
丹岱琿納爾琿軒初恩都哩僧固拜滿章京納丹
威瑚哩恩都蒙鄂樂喀屯諾延某年生小子某年
生小子

為某人祭則呼
某人本生年

今敬祝者豐于首而付于

肩衛于後而護于前畀以嘉祥兮齒其兒而髮其
黃兮年其增而歲其長兮根其固而身其康兮神
兮貺我神兮佑我永我年而壽我兮

夕祭灌酒于豬耳禱辭

上天之子年錫之神安春阿雅喇穆哩穆哩哈納
丹岱琿納爾琿軒初恩都哩僧固拜滿章京納丹
威瑚哩恩都蒙鄂樂喀屯諾延某年生小子某年生

小子

為某人祭則呼
某人本生年

敬獻柒威嘉悅以享兮

夕祭供肉祝辭

上天之子年錫之神安春阿雅喇穆哩穆哩哈納
丹岱琿納爾琿軒初恩都哩僧固拜滿章京納丹
威瑚哩恩都蒙鄂樂喀屯諾延某年生小子某年
生小子為某人祭則呼
某人本生年今敬祝者豐于首而仔于
肩衛于後而護于前畀以嘉祥兮齒其兒而髮其
黃兮年其增而歲其長兮根其固而身其康兮神
兮貺我神兮佑我永我年而壽我兮

背鐙祭初次向神鈴誦神歌祈請辭

哲伊呼呼哲納爾琿掩戶牖以迓神兮納爾琿息
甌窰以迓神兮納爾琿肅將迎兮侑座以俟納爾
琿秘以祀兮几筵具陳納爾琿納丹岱琿藹然降
兮納爾琿桌爾歡鍾依惠然臨兮納爾琿感於神
鈴兮來格納爾琿莅於神鈴兮來歆納爾琿

二次搖神鈴誦神歌禱辭

納丹岱琿納爾琿軒初卓爾歡鍾依珠嚕珠克特

亨某年生小子某年生小子

為某人祭則呼
某人本生年

今敬

祝者豐於首而仔於肩衛於後而護於前昇以嘉
祥兮齒其兒而髮其黃兮年其增而歲其長兮根
其固而身其康兮神兮貺我神兮佑我永我年而
壽我兮

三次向腰鈴誦神歌祈請辭

哲伊呼呼哲古伊雙寬列几筵兮以敬迓古伊雙
寬潔粢盛兮以恭延古伊雙寬肅將迎兮盡敬古

伊雙寬秘以祀兮申虔古伊雙寬乘羽葆兮陟於
位古伊雙寬應鈴響兮降于壇古伊雙寬

四次搖腰鈴誦神歌禱辭

籲者惟神迓者斐孫犧牲既陳奔走臣隣某年生

小子某年生小子

為某人祭則呼
某人本生年

今敬祝者豐于

首而付于肩衛于後而護于前畀以嘉祥兮齒其
兎而髮其黃兮年其增而歲其長兮根其固而身
其康兮神兮貺我神兮佑我永我年而壽我兮

祭神翌日祭天儀注

祭神翌日祭天預期如前儀恭請

佛

菩薩像供于

坤寧宮西楹大亭司俎太監等于

神杆東北鋪油厚高麗紙設色錫紅漆大案一西向

卸下

神杆以杆端向東斜仰于倚柱上杆首挂于地撤舊

夾淨紙舊穿頸骨置銅海內化之

神杆石前向上設紅漆高案一供銀碟三中碟盛所
灑米兩旁二空設置淨紙一張于桌上離

神杆石稍遠西北方設紅漆架一架上覆一紅氈架
南設花木方盤桌一紅漆方盤二俱向後挨次而
設盤內置案板數枚移紅銅鍋並銅海設于木盤
之北竈門東向屆時司俎太監等進楮置于

神杆石之東旁稍後首南向

皇帝親詣行禮司香婦人于

坤寧宮門內近檻處鋪

皇帝行禮黃花紅氈

皇帝進門對

神杆向上跪司俎滿洲進向前立捧米磬灑米一次

禱祝祭天畢又灑米二次退

皇帝行禮興退如同

皇后行禮

皇帝居中

皇后在西行禮司俎等俱退出外太監等率祝禱祭天之司俎滿洲背立如遇

皇帝

皇后不親詣行禮日司祝捧

皇帝御衣叩頭畢司俎太監等轉猪首向西置于色錫大案上省之司俎太監二舉銀裹木槽盆接血列于高案上猪氣息後轉猪首向南順放司俎等即

于院內去豬皮先以頸骨連精肉取下並擇取餘肉煮于紅銅鍋內餘俱按節解開擺列于銀裹木槽盆內置首于前以皮蒙蓋其上南向順放于色錫大案上腸臟修整後亦置于木槽盆內以盛血木槽盆橫放于盛肉木槽盆之前肉熟時司俎等向東列坐于木盤之後以熟肉細切為絲先取精肉頸骨供于高案西邊所放銀碟內胆貯于東邊所設銀碟內細絲小肉成後盛小肉絲二碗各置

筋一雙稗米飯二碗各置匙一枝從東向西飯肉
相間以供

皇帝親詣行禮司俎滿洲仍如前儀捧米碟灑米一次
禱祝祭天畢又灑米二次退叩頭畢司俎官司俎
等以頸骨穿于

神杆之端精肉及膽並所灑米俱貯于

神杆斗內立起

神杆淨紙夾于

神杆與倚柱之間束首所供之小肉飯撤入

坤寧宮內

皇帝

皇后受胙獻于

皇帝

皇后如遇

皇帝

皇后不行禮之日令在

坤寧宮內人等食之西首所供之小肉飯留于外銅
鍋內所餘湯肉令司俎及太監等食之其餘生肉
並銀裹木槽盆及色錫高案油厚高麗紙俱移入
坤寧宮內如祭神儀取頭蹄燎燂腸內灌血煮于大
鍋內大肉熟後盛于盤內置原處亦不許出戶令
大臣侍衛等進內食之食畢司俎太監撤出油紙
高案及皮與骨皮油送交膳房骨則司俎官送潔
淨處監視化而投之於河恭請

佛

菩薩像至西楹安奉于原位鍋海置于原處神架方盤等

物各收於原處如遇雨雪司俎及司俎太監等即將

大油紙緞遮于祭天桌鍋之上如為

皇子祭天

皇子叩頭如

皇子不叩頭司祝捧

皇子衣服叩頭

祭神翌日祭天禋辭

安哲上天監臨我覺羅某年生小子

為某人祭則
叶某人本生

年

蠲精誠以薦薌兮執豕孔碩獻于昊蒼兮一以

嘗兮二以將兮俾我某年生小子年其增而歲其

長兮根其固而身其康兮綏以安吉兮惠以嘉祥

兮

謹案

坤寧宮常祭儀注祝辭俱與月祭同

欽定八旗通志卷九十

欽定四庫全書

欽定八旗通志卷九十一

典禮志十四

滿洲祭神祭天典禮三

四季獻神儀注 四季獻神祝辭 浴佛儀注 浴

佛祝辭 堂子立杆大祭儀注 坤寧宮大祭祝辭 大祭翌日祭天儀注 大祭翌日祭天贊辭

每歲春夏秋冬四季獻神儀注

每歲四季獻

神是日先照常祭儀懸掛朝祭夕祭

神幔朝祭夕祭

神位俱照常安奉朝祭夕祭香碟內點香

上駟院以白馬二侍衛牽之慶豐司以牛二廐長牽之金二錠銀二錠廣儲司銀庫官員舉之蟒緞龍緞片金倭緞閃緞以及各色緞十毛青三梭布四十置於紅漆低桌上緞足庫庫使舁之掌儀司官員司俎官前引內務府總管暨

上駟院大臣帶領

乾清右門入自

乾清宮西楹經

交泰殿至

坤寧宮門外陳馬於西陳牛於東首俱向上司俎太

監等恭捧金鉞銀鉞並舁緞布桌入

坤寧宮司香接受於朝祭

神位前就地安設緞布之桌置金銀其上鋪黃花紅氍司

祝進跪祝叩頭畢司香等舁桌於夕祭

神位前就地安設移鋪紅氍司祝進跪祝叩頭畢將所供之金銀緞布收貯於供朝祭

神位之繪花紅漆抽屨桌內其大臣侍衛官員以牛馬出越三日後總管太監以金銀緞布出留銀之外金緞布馬牛俱交會計司除不售於同姓滿洲外估價以售所得價銀購豬以祭

皇帝親詣行禮如常祭儀或適遇祭神之日俟食肉畢皮骨撤出恭請

佛

菩薩安奉後始行祭獻

每歲春夏秋冬四季獻神朝祭

神前祝辭

上天之子佛及菩薩大君先師三軍之帥闕聖帝

君某年生小子某年生小子

為某人祭則呼
某人生年

今敬

祝者謹以黃金白銀蟒緞龍緞片金倭緞閃緞各

色緞布良馬健牛獻於神靈豐於首而仔於肩衛

於後而護於前畀以嘉祥兮齒其兒而髮其黃兮
年其增而歲其長兮根其固而身其康兮神兮貺
我神兮佑我永我年而壽我兮

夕祭

神前祝辭

上天之子年錫之神安春阿雅喇穆哩穆哩哈納
丹岱琿納爾琿軒初恩都哩僧固拜滿章京納丹
威瑚哩恩都蒙鄂樂喀也諾延某年生小子某年

生小子

為某人祭則呼
某人本生年

今敬祝者謹以黃白金銀

蟒緞龍緞片金倭緞閃緞各色緞布良馬健牛獻
於神靈豐於首而仔於肩衛於後而護於前畀以
嘉祥兮齒其兒而髮其黃兮年其增而歲其長兮
根其固而身其康兮神兮貺我神兮佑我永我年
而壽我兮

浴

佛儀注

四月初八日

佛誕祭祀是日先於

堂子內

饗殿中間懸掛神幔屆時衣金黃緞衣內監八人昇黃緞
神輿進

內左門

近光左門

景和門預備於

坤寧宮門外衣黃緞衣司俎滿洲二人恭請

佛亭並貯

菩薩像木筒貯

關帝神像木筒安奉輿內衣金黃緞衣內監八人舁行由

宮殿正門出前引仗二對羊角燈二對亦用衣金黃

緞衣內監執之司俎官二員司俎二人司俎滿洲

二人由

宮內前引至

乾清門外侍衛十員前導掌儀司官一員司俎首領
太監一員內監八人扈行應供之椒葉饌醑酒
罇紅蜜棉花俱置於架上及食盒之內領催蘇拉
隨後昇送至

堂子時衣黃緞衣司俎滿洲等恭請

神位供

佛亭於西首之座次於神幔上懸

菩薩像又次懸

闕帝神像供奉畢收諸王呈送所供之餽餽酒蜜棉花謹將

大內備去之紅蜜及諸王呈送之蜜各取少許貯於黃磁浴池內以淨水攪勻司香啟亭門司祝請

佛於黃磁浴池內浴畢復以新棉墊座仍安奉原位又將諸王呈送之檟葉餽餽俱供於二大黃漆低桌之上

大內之九盤餽餽供於上面醴酒三殘香碟三仍供

原處司香點香炕沿下小桌上設大黃磁椀二盛
大內備去之酒及諸王呈送之酒其

亭式殿內以椶木葉餽餽及諸王呈送之餽餽貯於銀盤
供之呈送之酒貯於低桌上所設二大藍花磁椀
內供之仍先於高案下所立杉木柱上掛紙錢二
十七張諸王遣來之人俱掛紙錢

大內之奏三絃琵琶太監二人在

饗殿外丹陛之西首諸王之護衛官員在丹陛兩旁對坐

鳴拍板拊掌衣朝服之二司祝進跪司香二人舉
臺琖二分授於二司祝二司祝接受臺琖同獻酒
九次司俎官一員於

饗

殿階下東首立贊鳴拍板即奏三絃琵琶鳴拍板拊掌

二司祝每一獻將所獻之酒注於兩旁所設紅花
磁缸內復自盛醴酒椀內挹新酒各注於二琖中
獻之每一獻司俎官贊歌鄂囉羅則歌鄂囉羅九
次獻畢二司祝以臺琖授於司香等同叩頭興合

掌致敬司俎官贊停拍板其三絃琵琶拍板暫止
二司祝進

亭式殿內跪司香等舉授臺踐二司祝同獻酒九次奏三
絃琵琶鳴拍板拊掌歌鄂囉羅均如

饗殿獻酒儀獻畢以臺踐授於司香等一叩頭興合掌致
敬一司祝預備於

亭式殿內一司祝進

饗殿正中立司香舉授神刀司祝接受神刀前進司俎官

贊鳴拍板即奏三絃琵琶鳴拍板拊掌司祝一叩
頭興司俎官贊歌鄂囉囉即歌鄂囉囉司祝擎神
刀禱祝三次誦神歌一次擎神刀禱祝時則歌鄂
囉囉如是誦神歌三次禱祝九次畢仍奏三絃琵
琶鳴拍板拊掌司祝進

亭式殿內一叩頭興誦神歌擎神刀禱祝以及歌鄂囉囉
俱如祭

饗殿儀禱祝畢復進

饗殿內一叩頭興又禱祝三次司祝官贊歌鄂囉羅則歌
鄂囉羅一次禱祝畢授神刀於司香司俎官贊停
拍板其三絃琵琶拍板皆止興退司俎復跪祝叩
頭興合掌致敬退其

亭式殿內預備之司祝亦跪祝叩頭興合掌致敬退司香
閣

佛亭門撤

菩薩像

闕帝神像恭貯於木筒內仍用衣黃緞衣司俎滿洲等恭
請安奉輿內銮仗排列前導恭請入

宮所供酒與餗餗分給隨去之侍衛官員司俎等

四月初八日浴

佛於

堂子饗殿內祝辭

上天之子佛及菩薩大君先師三軍之帥闕聖帝

君某年生小子等

為某人祭則呼
某人本生年

今敬祝者遇佛

誕辰偕我諸王敬獻於神祈鑒敬獻之心俾我小
子豐於首而仔於肩衛於後而護於前畀以嘉祥
兮齒其兒而髮其黃兮年其增而歲其長兮根其
固而身其康兮神兮貺我神兮佑我永我年而壽
我兮

堂子亭式殿內祝辭

上天之子紐歡台吉武篤本貝子某年生小子等

為某人祭則呼
某人本生年

今敬祝者遇佛誕辰偕我諸王敬

獻於神祈鑒敬獻之心俾我小子豐於首而仔於
肩衛於後而護於前畀以嘉祥兮齒其兒而髮其
黃兮今年其增而歲其長兮根其固而身其康兮神
兮貺我神兮佑我永我年而壽我兮

謹案

坤寧宮報祭儀注與常祭同祝辭亦同惟今敬祝者
句下豐於首而仔於肩句上添貫九以盈具八
以呈前期一二日虔備棗盛以祭於神靈五句

堂子立杆大祭儀注

每歲春秋二季

堂子立杆大祭所用之松木神杆前期一月派副管領一員帶領領催三人披甲二十人前往直隸延慶州會同地方官於潔淨山內砍取松樹一株長二丈圍徑五寸樹梢留枝葉九節餘盡削去製為神杆用黃布袱包裹至

堂子內暫於近南牆所設之紅漆木架中間斜倚安置立杆大祭前期一日立杆於

亭式殿前中間石上祭期預於

饗殿中間將鑲紅片金黃緞神幔用黃棉線繩穿繫其上

懸掛東西山牆所釘之鐵環北炕中間西首設供

佛亭之座炕上設黃漆大低桌二桌上供香碟三炕沿下

設楠木低桌桌上列藍花大磁碗二桌之西旁地

上設紅花小磁缸二桌前鋪黃花紅氍一方

亭式殿內楠木高桌上供銅香鑪高桌前楠木低桌上列

藍花大磁碗二桌之兩旁地上設暗龍碧磁小缸

二

饗殿內設黃紗蠹燈二對

亭式殿內設黃紗蠹燈二對中道甬路皆設涼簾並設紅
紙蠹燈三十有二屆時衣金黃緞衣內監八人舁
黃緞

神輿進

內左門

近光左門

景和門預備於

坤寧宮門外衣黃緞衣司俎滿洲二人恭請

佛亭並貯

菩薩像黃漆木筒貯

關帝神像紅漆木筒安奉輿內衣金黃緞衣內監八人舁

行由

宮殿正門出前引仗二對羊角銙二對亦用衣金黃

緞衣內監執之司俎官二員司俎二人司俎滿洲

二人由

宮內前引至

乾清門外侍衛十員前導掌儀司官一員司俎首領
太監一員內監八人扈行祭祀所用之清酒罇打
饌索繩淨紙神杆頂俱置於架上及盛於食盒之
內領催蘇拉昇之隨後而行至

堂子時衣黃緞衣司俎滿洲等恭請

神位供

佛亭於西首之座次於神幔上懸

菩薩像又次懸

關帝神像後前索繩三條一端合而為一繫於北山牆中間所釘環上一端由

饗殿隔扇頂橫窓中孔內穿出牽至甬路所立繫索繩紅漆二木架中間分穿於神杆頂之三孔內將黃綠白三色高麗紙所鏤錢二十七張合為九張掛於神杆頂三孔所繫三條索繩之上又合而為一由

亭式殿之南北隔扇頂之橫窓孔中穿出繫於神杆將昔

高麗布神旂懸於神杆之上其

亭式殿內高案下所立杉木柱上掛黃綠白三色高麗紙
所鏤錢二十七張

饗殿內供打糕搓條餽餽九盤清酒三殘於炕沿上所設
二大低桌上司香啟亭門點香注清酒於炕沿下
所設低桌上二藍花大磁椀中

亭式殿內供打糕搓條餽餽三盤清酒一殘於高桌上其
低桌上所設二藍花大磁椀內亦注清酒奏三絃

琵琶之太監二人在

饗殿外丹陛之西鳴拍板之侍衛二十員在丹陛兩旁對坐鳴拍板拊掌衣朝服之二司祝進跪司香二人舉臺琰二分授於二司祝二司祝接受臺琰同獻酒九次司俎官一員於

饗殿階下東首立贊鳴拍板即奏三絃琵琶鳴拍板拊掌二司祝每一獻將所獻之酒注於兩旁所設紅花磁缸內復自盛清酒椀內挹新酒各注於二琰中

獻之每一獻司俎官贊歌鄂囉羅侍衛等歌鄂囉
羅九次獻畢二司祝以臺琰授於司香等同叩頭
興合掌致敬司俎官贊停拍板其三絃琵琶拍板暫
止二司祝進

亭式殿內跪司香等舉授臺琰二司祝同獻酒九次奏三
絃琵琶鳴拍板拊掌歌鄂囉羅均如

饗殿獻酒儀獻畢以臺琰授於司香等一叩頭興合掌致
敬一司祝預備於

亭式殿內一司祝進

饗殿正中立司香舉授神刀司祝接受神刀前進司俎官贊鳴拍板即奏三絃琵琶鳴拍板拊掌司祝一叩頭興司俎官贊歌鄂囉羅侍衛等歌鄂囉羅司祝擎神刀禱祝三次誦神歌一次擎神刀禱祝時侍衛等歌鄂囉羅如是誦神歌三次禱祝九次畢仍奏三弦琵琶鳴拍板拊掌司祝進

亭式殿內一叩頭興誦神歌擎神刀禱祝以及侍衛等歌

鄂囉羅俱如祭

饗殿儀禱祝畢復進

饗殿內一叩頭興又禱祝三次司俎官贊歌鄂囉羅侍衛

等歌鄂囉羅一次禱祝畢授神刀於司香司俎官

贊停拍板其三絃琵琶拍板皆止興退司祝復跪

祝叩頭興合掌致敬退其

享式殿內預備之司祝亦跪祝叩頭興合掌致敬退司香

闕

佛亭門檄

菩薩像

關帝神像恭貯於木筒內仍用衣黃緞衣司俎滿洲等恭請安奉輿內銮仗排列前導請入

宮中如遇

皇帝親詣行禮掌儀司官員鋪

皇帝拜褥於

饗殿及

亭式殿內武備院卿先鋪

皇帝坐褥於

饗殿隔扇外西首

皇帝向東坐於

饗殿簷下西間所設之褥內務府大臣恭進拍板奏三絃

琵琶之司組太監二人前進在丹陛上西首鳴拍

板之司組官司組十人在丹陛兩旁次王貝勒在

丹陛之上貝子公在丹陛之下按左右翼對坐掌

儀司官員以拍板授王貝勒等一司組官立於

饗殿階下東首司祝獻酒擎神刀禱祝贊鳴拍板歌鄂囉

羅則奏三絃琵琶鳴拍板拊掌歌鄂囉羅

皇帝進

饗殿內行禮又進

亭式殿內行禮行禮畢武備院卿鋪

皇帝坐褥於西間正中

皇帝南向坐尚膳正司組官以小桌列胙饈恭進尚茶

正捧獻福酒

皇帝受胙畢分賜各王公禮成

皇帝還宮所餘饌酒分賜扈從之侍衛官員司俎等

每歲春秋二季

堂子立杆大祭

饗殿內祝辭

上天之子佛及菩薩大君先師三軍之帥闕聖帝

君某年生小子某年生小子

為某人祭則呼
某人本生年 今敬

祝者貫九以盈具八以呈九期屆滿立杆禮行爰
繫索繩爰備粢盛以祭於神靈豐於首而仔於肩
衛於後而護於前畀以嘉祥兮齒其兒而髮其黃
今年其增而歲其長兮根其固而身其康兮神兮
貺我神兮佑我永我年而壽我兮

堂子亭式殿內祝辭

上天之子紐歡台吉武篤本貝子某年生小子某
年生小子

為某人祭則呼
某人本生年

今敬祝者貫九以盈具

八以呈九期屆滿立杆禮行爰繫索絕爰備棗盛
以祭於神靈豐於首而仔於肩衛於後而護於前
畀以嘉祥兮齒其兒而髮其黃兮年其增而歲其
長兮根其固而身其康兮神兮貺我神兮佑我永
我年而壽我兮

坤寧宮大祭儀注

每歲春秋二季

堂子內立杆大祭

坤寧宮於大祭前四十日在

坤寧宮內西炕上

神位前置缸一口以盛清酒於報祭前釀之司香等用槐
子煎水染白淨高麗布裁為敬神布條用黃綠色
棉線擰成敬神索繩以各色綢條夾於其內又染
紙鏤成錢文於報祭之日司俎婦人爇做搓條餽
餽大祭之日恭請朝祭

神位於

堂子內祭畢復請入

宮預於

坤寧宮內將鑲紅片金黃緞神幔用黃棉線繩穿繫
其上懸掛西山牆所釘之雕龍頭聚金紅漆三角
架以淨紙二張掛於神幔兩端昇供

佛之髮金小亭連座奉安於南首啟亭門次於神幔上懸
菩薩像又次懸

關帝神像均於大炕上東向供奉炕上設紅漆大低桌二

桌上供香碟三清酒三戔時菜九碟打糕搓條餠
餠九盤炕沿下供清酒三罇罇前鋪黃花紅氈設
獻酒長低桌桌上列黃磁大椀三一盛清酒二空
設司俎太監等預於中間屋內鍋前地上設油厚
高麗紙二張進色錫紅漆大桌二西向分為二行
各置於油高麗紙上屆時司香點香司俎太監司
俎等進猪二於

坤寧宮門外之右首皆北向奏三絃琵琶之司俎太

監二司組官司組八首領太監二以次進三絃琵琶在前次十人分二層排列均向上盤膝坐奏三絃琵琶鳴拍板其後司組滿洲等屈一膝跪拊掌二司祝進於獻酒桌前跪二司香舉臺琰二分授司祝二司祝接受臺琰同獻酒九次每一獻將所獻之酒注於空碗內復自盛清酒碗內挹新酒注於二琰中以獻每一獻司組等歌鄂囉羅九次獻畢二司祝以臺琰授司香等同叩頭興合掌致敬

三絃琵琶拍板暫止司香及司香婦人撤盛酒之
三椀並獻酒之桌將大低桌上所供酒三椀傾於
貯酒椀內復自盛酒椀內挹新酒注之供於原處
設司祝叩頭小低桌司香舉神刀授司祝一司祝
執神刀進司俎等復奏三絃琵琶鳴拍板拊掌司
祝一叩頭興司俎等復歌鄂囉羅司祝擎神刀禱
祝三次誦神歌一次擎神刀禱祝時司俎等歌鄂
囉羅誦神歌三次如前儀如是九次畢司祝跪一

叩頭興又禱祝三次以神刀授於司香奏三絃琵琶鳴拍板人等起立避於旁司香及司香婦人照前換新酒三瓊供之

皇帝親詣行禮司香移司祝叩頭小低桌於北首

皇帝進於朝祭

神位前正中向上立司祝先跪

皇帝跪司祝祝畢

皇帝行禮興退司祝叩頭興合掌致敬如同

皇后行禮

皇帝在南

皇后在北行禮司俎官司俎等俱出外惟留司俎婦人

太監等在內如遇

皇帝

皇后不行禮之日司祝叩頭畢司香撤

佛

菩薩前供酒二琖闔供

佛小亭門撤

菩薩像恭貯於黃漆木筒司俎太監等恭昇供

佛小亭並所供二香碟移奉於

坤寧宮西楹大亭香碟供於前小亭座移置於後復
移神幔稍南摘取神幔南端懸掛之淨紙置於繪
花紅漆抽屜桌上位

關帝神像於正中所供之酒並香碟皆移正中酒罇以淨
袱幕之奏三絃琵琶鳴拍板人等進坐於原處司

香婦人飲羶三折之鋪於近炕沿處司香舉臺琰
授於司祝司俎太監等舁一猪入門置炕沿下首
西向司俎滿洲一人屈一膝跪按其猪司俎官及
司俎首領太監內監等奏三絃琵琶鳴拍板拊掌
司祝跪於炕沿下三折紅羶上斜向西南舉臺琰
獻酒一次司俎等照前歌鄂囉羅獻畢司祝祭禱
以二琰酒合注一琰中司俎滿洲執猪耳司祝灌
酒於猪耳內以臺琰授司香一叩頭三絃琵琶拍

板暫止司俎滿洲執猪尾移轉猪首向東司俎太監等進前鼻猪暫順放於包錫大桌上司香舉臺琰授司祝司祝接受臺琰昇第二猪入門獻酒灌酒如前儀以包錫大桌上二猪俱令首西向橫放省之每桌前令司俎婦人二舉銀裏木槽盆接血司香婦人撤去氈進紅漆長高桌設於西炕前以接血木槽盆列高桌上撤去所供饌酒菜猪氣息後司俎等轉猪首順桌向南直放去其皮按節

解開煮於大鍋內其頭蹄及尾俱不去皮惟燎毛
煇淨亦煮於大鍋內以臟腑置於錫裏木槽盆昇
出另室內整理潔淨昇進以盛血木槽盆就地安
置司俎滿洲一人進於高桌前屈一膝跪灌血於
腸亦煮鍋內司俎太監等置皮於盛皮木槽盆內
撤去包錫大桌二及油紙仍以膽與蹄甲貯紅漆
小木磔內置於炕上所設之大低桌北首邊上俟
肉熟時細切胙肉一椀設筯一雙供於大低桌正

中以二猪之肉分置二銀裹木槽盆內前後腿分設四角胸膛向前尾樁向後肋列兩旁合湊畢置猪首於上復以臙脂連油整置於鼻柱上供於

神位前長高桌司香點香司香婦人鋪黃花紅氍司香設獻酒長低桌仍列盛酒之椀並空椀司祝進前立司香舉臺琖授司祝司祝進跪獻酒六次是獻也凡獻酒換琖注酒及司俎太監等奏三絃琵琶司俎等鳴拍板司俎滿洲拊掌歌鄂囉羅六次俱如

前儀六獻畢以臺琖授於司香叩頭興合掌致敬

皇帝

皇后親詣行禮如前儀神肉前叩頭畢撤下祭肉不令
出戶盛於盤內於長高桌前按次陳列或

皇帝率

皇后受胙或率王大臣等食肉之處請

旨遵行如遇

皇帝不受胙之日令值班大臣侍衛等進內食之食畢

司祝進於

神位前一叩頭興合掌致敬司俎太監等撤出皮骨並將
清晨在抽屜桌上南首懸掛之淨紙一併撤出皮
油送交膳房其骨膽蹄甲司俎官送潔淨處化而
投之於河隨將神幔收捲其所掛紙錢存俟月終
貯高麗紙囊內除夕送赴

堂子與

堂子內所掛淨紙及神杆同化之所有

關帝神像供貯於紅漆木筒其供

佛小亭恭貯

菩薩像木筒及二香碟仍移奉西楹以小亭安奉於亭座

上

菩薩像

關帝神像二筒安奉於西山牆繪花紅漆抽屜桌上供香

碟三於桌之東邊其夕祭

神儀預將鑲紅片金青緞神幔繫於黑漆架上用黃色皮

條穿大小鈴七枚繫樺木桿梢懸於架梁之西恭請

穆哩罕神自西按序安奉架上

畫像神安奉於神幔正中設

蒙古神座於左皆於北炕南向炕上設紅漆大低桌二桌

上供香碟五清酒三盞時菓九碟打饊搓條餠餠

九盤炕沿下供清酒三罇未進豬之前恭請

佛

菩薩像並二香碟供於西楹大亭預令司俎太監等鋪油

紙設桌俱如朝祭儀屆時進猪置於常放之處司

香點香司香婦人以司祝祝禱時所坐黑漆杌置

神位前司俎太監以鼓連架近杌安置司祝繫閃緞裙束

腰鈴執手鼓進於

神位前司俎太監二人進西向立一太監擊鼓一太監鳴

拍板司祝先向

神位坐於杌上擊手鼓誦請神歌祈請擊鼓太監一手擊

鼓一點以和手鼓司祝拱立初次向後盤旋踣步
祝禱擊鼓太監雙手擊鼓三點以和手鼓司祝復
盤旋踣步前進祝禱擊鼓太監雙手擊鼓五點以
和手鼓司祝拱立初次誦請神歌擊鼓五點拍板
三鳴以和之二次向後向前盤旋踣步祝禱惟擊
鼓七點司祝拱立誦神歌以禱仍擊鼓五點拍板
三鳴三次祝禱亦惟擊鼓十一點司祝拱立三次
誦神歌以禱擊鼓四點末以雙槌交擊一次拍板

仍三鳴以和之三次誦神歌禱畢司祝祝禱時惟
擊鼓四點三鼓而止退司祝以手鼓授司香婦人
釋閃緞裙腰鈴司香及司香婦人以所供酒五錢
如朝祭儀換新酒供之司香婦人鋪黃花紅氈

皇帝親詣行禮司香婦人移置司祝叩頭小低桌於西
首

皇帝進於夕祭

神位正中向上立司祝先跪祝畢

皇帝行禮如朝祭儀如同

皇后行禮

皇帝在東

皇后在西行禮如遇

皇帝

皇后不行禮之日司祝叩頭畢司香及司香婦人如前

儀換注新酒於琖中供之酒罇以淨袱幕之司香

婦人斂匱三折之鋪於近炕沿處置清酒一椀空

琰一於炕沿上司俎太監等舁猪入門置炕沿下
首北向司俎滿洲一人屈一膝跪按其猪司祝跪
於炕沿下三折紅氈上斜向東北從盛酒椀內挹
酒注於琰中舉捧禱祝司俎滿洲執猪耳司祝灌
酒於猪耳內以琰置炕沿一叩頭司俎滿洲執猪
尾移轉猪首向南司俎太監等進前舁猪暫順放
於色錫大桌上司祝跪從酒椀內挹酒注於琰中
舁第二猪入門仍如前儀獻酒禱祝灌酒畢一叩

頭興退置猪於包錫大桌上二猪俱令首西向省
之母桌前令司俎婦人二舉銀裹木槽盆接血司
香婦人撤去氈進紅漆長高桌設於北炕前以接
血銀裹木槽盆列長高桌上撤去大低桌上所供
之饌惟留一盤其餘饌酒與菜亦俱撤去猪氣息
後司俎等轉猪首順桌向南直放其去皮節解灌
血腸煮肉以及撤出包錫大桌油紙等件俱如朝
祭儀惟膽與蹄甲於竈內化之俟肉熟時細切胙

肉五碗每碗設筋一雙供於炕上二大低桌之上
以二猪之肉置二銀裏木槽盆內如朝祭儀供於
神位前長高桌司香點香司香婦人鋪黃花紅氈設司祝

叩頭桌

皇帝

皇后親詣行禮如夕祭儀如遇

皇帝

皇后不行禮之日司祝進跪禱祝叩頭合掌致敬司香

婦人收殮以司祝所坐之杙置夕祭常放處又設
小桌小腰鈴列於桌上神鈴置於桌之東撤出香
磬內火並鐙掩竈內火展背鐙青綢幕蔽之衆俱
退出闔戶擊鼓太監以鼓移幕前近處司祝坐於
杙上初次誦神歌向神鈴祈請時擊鼓四點又雙
槌交擊一次拍板三鳴以和之次司祝執鈴桿振
鈴誦神歌以禱鼓擊五點拍板三鳴以和之司祝
置神鈴初次誦神歌向腰鈴祈請鼓擊四點又雙

槌交擊一次拍板三鳴以和之司祝搖腰鈴誦神
歌以禱鼓擊五點拍板三鳴以和腰鈴之聲禱畢
鼓擊三點拍板一鳴而止捲起背鐙神幕開戶移
入鐙火撤祭肉送交膳房恭請

佛

菩薩像並二香碟仍安奉西楹原位二香碟亦供於原處
收捲神幔撤夕祭

神畫像並

金匱要略卷之二十一
卷九十一
蒙古神

穆哩罕神俱恭貯紅漆匣內安奉於北牆繪花黑漆抽屜
桌上供香碟五於桌之南邊

坤寧宮大祭朝祭誦神歌禱祝辭

上天之子佛及菩薩大君先師三軍之帥闕聖帝

君某年生小子某年生小子

為某人祭則呼
某人本生年

今敬

祝者貫九以盈具八以呈九期屆滿立杆禮行爰
繫索繩爰備菜盛以祭於神靈豐於首而仔於肩

衛於後而護於前昇以嘉祥兮齒其兒而髮其黃
今年其增而歲其長兮根其固而身其康兮神兮
貺我神兮佑我永我年而壽我兮

朝祭灌酒於猪耳禱辭

上天之子三軍之帥闕聖帝君某年生小子某年

生小子

為某人祭則呼
某人本生年

敬獻粢盛嘉悅以享兮

朝祭供肉祝辭

上天之子三軍之帥闕聖帝君某年生小子某年

生小子

為某人祭則呼
某人本生年

今敬祝者貫九以盈具八

以呈九期屆滿立杆禮行爰繫索繩爰備棗盛以
祭於神靈豐於首而仔於肩衛於後而護於前畀
以嘉祥兮齒其兒而髮其黃兮年其增而歲其長
兮根其固而身其康兮神兮貺我神兮佑我永我
年而壽我兮

夕祭坐於杌上誦神歌祈請辭

自天而降阿瑋年錫之神與日分精年錫之神年

錫惟靈安春阿雅喇穆哩哈納丹岱琿納爾
琿軒初恩都哩僧固拜滿章京納丹威瑚哩恩都

蒙鄂樂喀屯諾延某年生小子某年生小子

為某
人祭

則呼某人
本生年

今敬祝者貫九以盈具八以呈九期屆

滿立杆禮行爰繫索繩爰備粢盛以祭於神靈豐

於首而仔於肩衛於後而護於前畀以嘉祥兮齒

其兒而髮其黃兮年其增而歲其長兮根其固而

身其康兮神兮貺我神兮佑我永我年而壽我兮

初次誦神歌禱辭

納丹岱琿納爾琿軒初某年生小子某年生小子

為某人祭則呼
某人本生年

今敬祝者貫九以盈其八以呈九

期屆滿立杆禮行爰繫索繩爰備棗盛以祭於神

靈豐於首而仔於肩衛於後而護於前畀以嘉祥

兮齒其兒而髮其黃兮年其增而歲其長兮根其

固而身其康兮神兮貺我神兮佑我永我年而壽

我兮

二次誦神歌禱辭

恩都哩僧固僧固恩都哩某年生小子某年生小

子

為某人祭則呼
某人本生年

今敬祝者貫九以盈具八以呈

九期屆滿立杆禮行爰繫索繩爰備粢盛以祭於
神靈豐於首而仔於肩衛於後而護於前畀以嘉
祥兮齒其兒而髮其黃兮年其增而歲其長兮根
其固而身其康兮神兮貺我神兮佑我永我年而
壽我兮

欽定四庫全書

卷九十一

末次誦神歌禱辭

拜滿章京納丹威瑚哩恩都蒙鄂樂喀屯諾延某

年生小子某年生小子

為某人祭則呼
某人生年

今敬祝者

貫九以盈具八以呈九期屆滿立杆禮行爰繫索
繩爰備粢盛以祭於神靈豐於首而仔於肩衛於
後而護於前界以嘉祥兮齒其兒而髮其黃兮年
其增而歲其長兮根其固而身其康兮神兮貺我
神兮佑我永我年而壽我兮

誦神歌禱祝後跪祝辭

上天之子年錫之神安春阿雅喇穆哩哈納
丹岱琿納爾琿軒初恩都哩僧固拜滿章京納丹

威瑚哩恩都蒙鄂樂喀屯諾延某年生小子某年

生小子

為某人祭則呼
某人本生年

今敬祝者贊九以盈具八

以呈九期屆滿立杆禮行爰繫索繩爰備粱盛以
祭於神靈豐於首而仔於肩衛於後而護於前畀
以嘉祥兮齒其兒而髮其黃今年其增而歲其長

兮根其固而身其康兮神兮貺我神兮佑我永我
年而壽我兮

夕祭灌酒於猪耳禱辭

上天之子年錫之神安春阿雅喇穆哩哈納
丹岱琿納爾琿軒初恩都哩僧固拜滿章京納丹
威瑚哩恩都蒙鄂樂喀屯諾延某年生小子某年

生小子

為某人祭則呼
某人本生年

敬獻粢盛嘉悅以享兮

夕祭供肉祝辭

上天之子年錫之神安春阿雅喇穆哩穆哩哈納
丹岱琿納爾琿軒初恩都哩僧固拜滿章京納丹
威瑚哩恩都蒙鄂樂喀屯諾延某年生小子某年

生小子

為某人祭則呼
某人本生年

今敬祝者貫九以盈具八

以呈九期屆滿立杆禮行爰繫索繩爰備燄盛以
祭於神靈豐於苜而仔於肩衛於後而護於前畀
以嘉祥兮齒其兒而髮其黃兮年其增而歲其長
兮根其固而身其康兮神兮貺我神兮佑我永我

年而壽我兮

背鐙祭初次向神鈴誦神歌祈請辭

哲伊呼呼哲納爾琿掩戶牖以迓神兮納爾琿息
甌窰以迓神兮納爾琿肅將迎兮侑座以俟納爾
琿秘以祀兮几筵具陳納爾琿納丹岱琿藹然降
兮納爾琿卓爾歡鍾依惠然臨兮納爾琿感於神
鈴兮來格納爾琿莅於神鈴兮來歆納爾琿

二次搖神鈴誦神歌禱辭

納丹岱琿納爾琿軒初卓爾歡鍾依珠魯珠克特

亨某年生小子某年生小子

為某人祭則呼
某人本生年

今敬

祝者貫九以盈具八以呈九期屆滿立杆禮行爰
繫索繩爰備菜盛以祭於神靈豐於首而仔於肩
衛於後而護於前畀以嘉祥兮齒其兒而髮其黃
今年其增而歲其長兮根其固而身其康兮神兮
貺我神兮佑我永我年而壽我兮

三次向腰鈴誦神歌祈請辭

哲伊呼呼哲古伊雙寬列几筵兮以敬迓古伊雙
寬潔粢盛兮以恭延古伊雙寬肅將迎兮盡敬古
伊雙寬秘以祀兮申虔古伊雙寬乘羽葆兮陟於
位古伊雙寬應鈴響兮降於壇古伊雙寬

四次搖腰鈴誦神歌禱辭

籲者惟神迓者斐孫犧牲既陳奔走臣鄰某年生

小子某年生小子

為某人祭則呼
某人本生年

今敬祝者貫九

以盈具八以呈九期屆滿立杆禮行爰繫索繩爰

備粢盛以祭於神靈豐於首而仔於肩衛於後而
護於前畀以嘉祥兮齒其兒而髮其黃今年其增
而歲其長兮根其固而身其康兮神兮貺我神兮
佑我永我年而壽我兮

大祭翌日祭天儀注

大祭翌日祭天預期如前儀恭請

佛

菩薩像供於

坤寧宮西楹大亭司俎太監等於

神杆東北鋪油厚高麗紙設包錫紅漆大案一西向

卸下

神杆以杆端向東斜仰於倚柱上杆首拄於地撤舊
夾淨紙舊穿頸骨置銅海內化之

神杆石前向上設紅漆高案一供銀碟三中碟盛所
灑米旁二碟空設置淨紙一張於案上離

神杆石稍遠西北方設紅漆架一架上覆以紅氍毹架

南設花木方盤桌一紅漆方盤二俱向後挨次而
設盤內置案板數枚移紅銅鍋並銅海設於木盤
之北竈門東向屆時司俎太監等進猪置於

神杆石之東旁稍後首南向

皇帝親詣行禮司香婦人於

坤寧宮門內近楹處鋪

皇帝行禮黃花紅氈

皇帝進門對

神杆向上跪司俎滿洲進向前立捧米磬灑米一次
禱祝祭天畢又灑米二次退

皇帝行禮興退如同

皇后行禮

皇帝居中

皇后在西行禮司俎等俱退出於外太監等率祝禱祭

天之司俎滿洲背立如遇

皇帝

皇后不親詣行禮日司祝捧

皇帝御衣叩頭畢司俎太監等轉猪首向西置於包錫
大案上省之司俎太監二舉銀裏木槽盆接血列
於高案上猪氣息後轉猪首向南順放司俎等即
於院內去猪皮先以頸骨連精肉取下並擇取餘
肉煮於紅銅鍋內餘俱按節解開擺列於銀裏木
槽盆內置首於前以皮蒙蓋其上南向順放於包
錫大案上腸臟修整後亦貯於木槽盆內以盛血

木槽盆橫放於盛肉木槽盆之前肉熟時司俎等
向東列坐於木盤後以熟肉細切為絲先取精肉
頸骨供於高案西邊所設銀碟內膽貯於東邊所
設銀碟內細絲小肉成後盛小肉絲二椀各置筋
一雙稗米飯二椀各置匙一枚從東向西飯肉相
間以供

皇帝親詣行禮司俎滿洲仍如前儀捧米碟灑米一次
禱祀祭天畢又灑米二次退叩頭畢司俎官司俎

等以頸骨穿於

神杆之端精肉及膽並所灑米俱貯於

神杆斗內立起

神杆淨紙夾於

神杆與倚柱之間東首所供之小肉飯撤入

坤寧宮內

皇帝

皇后受胙獻於

皇帝

皇后如遇

皇帝

皇后不行禮之日令在

坤寧宮內人等食之西首所供之小肉飯留於外同

鍋內所餘湯肉令司俎及太監等食之其餘生肉

並銀裏木槽盆及包錫高案油厚高麗紙俱移入

坤寧宮內如祭神儀取頭蹄燎燂燂腸內灌血煮於大

鍋內大肉熟後盛於盤內置原處亦不許出戶令
大臣侍衛等進內食之食畢司俎太監撤出油紙
高案及皮與骨皮油送交膳房骨則司俎官送潔
淨處監視化而投之於河恭請

佛

菩薩像至西楹安奉於原位鍋海置於原處神架方盤等
物各收於原處如遇雨雪司俎及司俎太監等張
大油紙繖遮於祭天桌鍋之上

大祭翌日祭天贊辭

安哲上天監臨我覺羅某年生小子

為某人祭天則呼某人本

生年蠲精誠以薦薌兮執豕孔碩獻於昊蒼兮一以

嘗兮二以將兮俾我某年生小子年其增而歲其

長兮根其固而身其康兮綏以安吉兮惠以嘉祥

兮

欽定八旗通志卷九十一